

20. august 2012

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

- 1) **Kalaallit Nunaannut angalasut nioqqutissanik akitsuutitaqanngitsunik pisisinnaanerisa atorunnaarsinnerannut suut siunertaasimappat?**
- 2) **Atorunnaarsitsinermi siunertaasunut sanilliullugit angusat suuppat?**
- 3) **Kalaallit Nunaannut angalasut nioqqutissanik akitsuutitaqanngitsunik pisisinnaanerisa atorunnaarsinnerat nunatta karsianut qanoq naleqarpa?**
- 4) **Kalaallit Nunaannut angalasut nioqqutissanik akitsuutitaqanngitsunik pisisinnaanerisa atorunnaarsinnerata kingorna siornalu cigaretsinik imigassanillu aalakornartulinnik tunisineq nunatta karsianut qanoq annertutigisumik isetitsissutaava?**

(Inatsisartunut ilaasortaq Per Berthelsen, Siumut)

### **Tunngavilersuut:**

2013-imut Inatsisartut aningaasanut inatsisissaattut siunnersuutip pingasunngornermi ulloq 15. august 2012 saqqummiunneqarneranut atatillugu Aningaasaqarnermut Naalakkersuisoq Maliina Abelsenip, Kalaallit Nunaannut angalasut nioqqutissanik akitsuutitaqanngitsunik ulloq 1. januar 2013 aallarnerifigalugu pisisinnaaleqqissasut oqaatigaa. Kalaallit Nunaannut angalasut nioqqutissanik akitsuutitaqanngitsunik pisisinnaanerisa atorunnaarsinneqarneranut siunertat malillugit kinguneqartitsisimanerup uppersarsarneqarsinnaannginnera aalajangiinermut Maliina Abelsenip tunngaviunerarpaa. Taamatut oqaaseqarneq aallaavigalugu atorunnaarsitsisimaneq nunatta karsianut qanoq kinguneqarsimaneq itisiliivigeqqullugu apeqquteqarpunga.

Apeqqutima ullut suliffiusut qulit iluani akineqarnissaa kissaatigaara.